


御製政訓





御製政訓目錄

修身

尊賢


親親

敬大臣

體羣臣

子庶民

來百工



柔遠入

嚴近習

戒紛華



御製政訓

噫爾在主鬯之位幼時其所為不過  
問寢也視膳也講學也故常訓及自  
省編為政之事猶不洞諭矣今則至  
於得大人之年而因予表暮受予命  
而代理其付托之重奚徒問寢視膳  
講學乎然其本正然後其末正其表  
直然後其影直他日治與不治其本



其表在今日思之及此可不懔然噫  
奚謂他日今則大小臣僚億兆軍民  
調不調濟不濟咸係于爾爾若體予  
二十五年苦心於朝廷則一心調劑  
於軍民則夙夜眷顧孜孜攝政使予  
前日不能食效之朝廷精白頓新使  
予前日不能濟活之軍民咸囿春臺  
則於今日予可以高枕無憂於他日



予將以有子歸奏豈徒今予之幸吁  
嗟吾東其庶幾也然凡事有規模然  
後可以行先立志然後可以成况爾  
猶在冲年當舉其大體不然若予徒  
勞而將莫有其效日昃不遑乃文王  
之大德衛士傳餐寔隋文之細務誰  
可法也誰可戒乎噫蒼蠅謂鷄月光  
謂明毛詩所載噫今爾為予攝政其



勤乎怠乎今日之勤乃他日賢喆之本今日之怠乃他日庸昏之根中夜興思不覺蹶然而起深歎于中爾之所思抑或及此否此政爾治亂興替之一大機也噫蒼蠅月光章曰毋庶予子憎噫臣何敢憎君而憎之一字其當玩味處也若以一憎字留心豈有一毫放怠之心乎予之成疾非由



萬幾而然一則追慕至痛一則慨世  
浮囂爾莫曰事繁勞悴常目乎周書  
無逸念念孜孜毋替予苦心命攝之  
意今將八目列之于下又將二目係  
之于次八目何曰修身曰尊賢曰親  
親曰敬大臣曰體羣臣曰子庶民曰  
來百工曰柔遠人二目何曰嚴近習  
曰戒紛華八目爾纔講矣果能記有



乎噫將此十目存之於心驗之於事  
其效豈淺淺乎哉其須勗勉其須勗  
勉也夫

修身

修身之效道立修身之事齋明盛服  
非禮弗動也道立朱子曰道成於已  
可為民表所謂皇建其有極是也噫  
欲成予二十五年苦心不先修身而



何齋明盛服非禮弗動即動靜內外  
交相養之工而其本敬也誠也敬也  
誠也曾已多諭而及今代理非敬非  
誠何以能為爾須易勉爾須易勉

尊賢

尊賢之效不惑尊賢之事祛讒遠色  
賤貨而貴德也不惑朱子曰謂不疑  
於理新安陳氏曰得賢而師資講明

故不疑於理其本誠也予於此段文  
義之外有眷眷於爾者何則其欲體  
予苦心而調劑祛讒為先然讒路多  
歧常訓亦諭昔之讒其猶易辨今之  
讒誠為難辨爾若欲辨其讒先察乎  
或似是而非或心言不同或恍惚而  
難測或藏頭而說尾其察何在窮理  
也窮理之要何在居敬也至於遠色



其勸尤深色之戒非徒常訓述編亦  
於三條勉飭詳論而桀紂幽王漢成  
唐玄其所以為昏君者即一色也遠  
之者為聖為賢近之者為桀為紂可  
不懍然可不懍然一色在近百賢將  
去故子思子於勸賢以遠色為言漢  
魏桓亦豈不云乎此即爾所講者然  
而非知之難也政爾今日自勉處也

自勉處也商之廉臺唐之瓊林於賤  
貨何此宜監戒處也噫不能祛諛不  
能遠色不能賤貨難以貴德其何以  
勸賢哉爾須勗勉爾須勗勉

親親

親親之效諸父昆弟不怨親親之事  
尊其位重其祿同其好惡也其中尊  
其位重其祿今爾所當勉者常訓已



諭不尊其位不重其祿是豈親親之意哉爾須勗勉爾須勗勉

敬大臣

敬大臣之效不眩敬大臣之事官盛任使也不眩朱子曰不迷於事敬大臣則信任專而小臣不得以間之故臨事而不眩也噫于今攝政之時命以輔爾之大臣即逮事

兩朝之臣而且予數十年倚仗者也常  
訓亦諭爾當體予意信任專然後小  
臣不敢以間噫舊習猶前人心日澆  
此等之時若不誠心以敬其何能專  
任而小人讒間焉知其無也若然則  
予之托爾以共決庶務之意焉在爾  
讀漢史漢昭之辨上官桀之讒其宜  
法也予於此又有餘意何則新當代



理何以知物情世態乎自古讒間乘  
其隙而售其心況今日世道乎爾若  
待大臣之道或小忽焉其讒之來將  
捷於影響命爾代理者非特予伸苦  
心也深意在焉噫述編既引諭父母  
之所敬亦敬之今者大臣即予所敬  
爾敢不敬乎哉爾須勗勉爾須勗勉

體羣臣

體羣臣之效士之報禮重體羣臣之  
事忠信重祿也朱子曰忠信重祿謂  
待之以誠養之以厚蓋以身體之而  
知其所賴乎上者如此豈徒此文子  
曰君使臣以禮噫今予命爾攝政之  
後大小羣臣莫非爾體之禮之者其  
若不體不禮孰肯報禮重也况垂戒  
三條中已諭于今大小巨僚即予之



臣亦喬木世臣也噫予以任使之喬木世臣界爾爾豈不念體羣臣之意乎且體之一字當玩味處也爾須勗勉爾須勗勉

子庶民

子庶民之效百姓勸子庶民之事時使薄歛也子曰節用而愛人使民以時節用愛人然後可以薄歛使民以

時然後可謂時使爾讀漢史漢文之  
紅腐相仍由於節用減民田租所謂  
薄歛噫常訓述編既諭吁嗟元元即  
予

列朝愛之恤之者而由予涼德臨御二  
紀吾民之困窮日以益甚中夜興思  
食不能甘寢不能安莫效予否德深  
體乎昔年一事一令其於民也愛之



恤之其保其濟使八域蒼生安生樂業奚徒體予命攝之意乎惟

列祖陟降亦必悅豫矣其或不然非徒負予是負

陟降也昔之漢宋國祚綿長專由仁厚豈特漢宋仁厚二字我我朝家法今予以

列朝愛恤之元元界爾而又引子庶民

之義勉爾爾須易勉爾須易勉

來百工

來百工之效財用足來百工之事日  
省月試餼廩稱事也噫子庶民則百  
工當在其中而又曰來百工大哉其  
訓以此存心可以為國且於財用足  
三字有餘意有若云百姓足君誰與  
不足農末相資財用足則是乃藏富



於民者也工之一字亦有可言周禮  
豈不云乎其百工非私於王也即公  
於國也商紂用百工起瑤臺乃墜其  
緒周武來百工足財用乃興其業禮  
記亦不云乎孟春以木鐸循于路飭  
百工戒竒巧此章侍講時予已諭爾  
須勗勉爾須勗勉

柔遠人

柔遠入之效四方歸之柔遠入之事  
送往迎來嘉善而矜不能也周文行  
仁歸之者多鄒聖亦豈不云乎發政  
施仁使仕者皆欲立於朝耕者皆欲  
耕於野商賈皆欲藏於市行旅皆欲  
出於塗此柔遠入之道也噫顧今民  
生可謂反是其讀此章不覺歎息噫  
顏子曰舜何人也予何入也有為者



亦若是予雖涼德而不能爾若誠心  
而典學可以聖可以賢文王之行仁  
其豈遠乎哉爾須勗勉爾須勗勉

嚴近習

噫爾之前日問寢視膳講學之時  
御不過陪從侍讀而今則比前事體  
尤重其欲修身而行政當先嚴於此  
輩美比於前日陪從侍讀之時乎噫

漢唐以來鑑戒者多述編中宦妾不知名可以為相云者已示微意噫今則爾既攝政年猶冲齡若不省察其流之弊勝言其或瞽御中一言半辭及於政治者非徒當其事而嚴斥其須告于予噫

皇朝高皇帝刻銅豎立而尚有忠賢之事豈不懍然況此雖嚴也其亦全保



近習之仁道也爾須勗勉爾須勗勉  
戒紛華

噫紛華波蕩乃古人之戒君其害於  
學者此也其害於政者此也爾方為  
學為政之時若不戒此向學之心將  
趨於此為政之心亦趨於此其所思  
即紛華也於學於政其將怠忽可不  
懍然可不懍然宋儒真德秀以為夜

對勝於晝訪政此意也且垂戒三條  
中一件其亦飭此之意也噫以諸葛  
之心為心以齊王之事為法眼前紛  
華其若無焉諸葛欲復漢業而先妻  
黃氏齊王不過欲霸而乃配無鹽此  
猶然矣以三百年付托之重命爾代  
理豈不猛惕于心而鑑戒也哉爾須  
勗勉爾須勗勉



今者十目為爾苦心而八目則乃取  
於中庸九經雖或有將餘意而勉飭  
者其實即聖訓也其欲體此其本何  
也乃誠乃敬也且一勤字其意深也  
予雖涼德而不勤勤於萬幾昔年  
侍湯時仰觀又曾聞

春秋鼎盛之時晨曉

臨外夜深

入內闕中之人傳為盛事今爾初政其  
宜欽遵涼德為政其豈法也 國朝  
穆廟

聖考三寶鑑 盛德洪業昭載當常目  
奉玩而為法此政當法

祖宗之意也噫以予衰暮連日酬應氣  
亦困恭何能述文而代理命下之後  
思昔年愴感猶有眷眷之意夜中思



此不覺轉輾竟夕引對臨夜呼寫此  
乃為誰此乃為誰實為國也實為民  
也噫丁酉聽政之時

景廟辭章之批以精一心法訓焉  
此乃

列朝相傳之聖謨也今將此訓復授  
於爾其須勉旃其須勉旃


歲己巳孟春下澣日自題垂勉元



良

此不覺轉動之...









三山正